



Broj:
Maglaj,

Na osnovu člana 18. i 30. Statuta Općine Maglaj-prečišćen tekst („Službene novine Općine Maglaj“, br. 8/07, 3/08 i 6/08) i člana 32, 33, 34. i 48. Poslovnika o radu Općinskog vijeća Maglaj-prečišćen tekst („Službene novine Općine Maglaj“, br. 2/09, 1/13 i 2/13), Općinsko vijeće Maglaj na ___ redovnoj sjednici održanoj _____ godine, donosi

RJEŠENJE o imenovanju Komisije za pitanja mladih i ravnopravnost spolova

Član 1.

Imenuje se Komisija za pitanja mladih i ravnopravnost spolova, Općinskog vijeća Maglaj u sastavu:

1. Alma Jusufbašić, predsjednica
2. Selma Bradarić, zamjenica predsjednice
3. Biserka Muhić, član
4. Anida Hasanić, član
5. Suvada Topčić, član

Član 2.

Komisija iz člana 1. ovog Rješenja se imenuje kao stalno radno tijelo Općinskog vijeća Maglaj.

Član 3.

Nadležnosti Komisije utvrđene su Statutom i Poslovníkom o radu Općinskog vijeća.

Član 4.

Mandat članova Komisije traje do isteka mandata Općinskog vijeća u sazivu 2024.-2028. godine, s tim da mandat članovima Komisije može prestati i ranije odlukom Općinskog vijeća u skladu sa Poslovníkom o radu Općinskog vijeća.

Član 5.

Ovo Rješenje stupa na snagu danom donošenja i ima se objaviti u „Službenim novinama Općine Maglaj“.

DOSTAVLJENO:

1. Imenovanim
2. Služba Općinskog načelnika i Općinskog vijeća
3. Služba za privredu, finansije i razvoj poduzetništva
4. Arhiva

PREDSJEDAVAJUĆA

Aida Bašić

Obrazloženje

Članom 18. Statuta Općine Maglaj – prečišćen tekst (“Službene novine Općine Maglaj”, br. 8/07, 3/08 i 6/08) propisano je da je Općinsko vijeće nadležno da bira, smjenjuje i razrješava članove radnih tijela Općinskog vijeća i donosi odluke, rješenja, propise i opće akte.

Članom 30. Statuta Općine Maglaj – prečišćen tekst (“Službene novine Općine Maglaj”, br. 8/07, 3/08 i 6/08) propisano je da Vijeće osniva radna tijela: komisije, savjete, odbore, radne grupe i druga stalna i povremena radna tijela. Radna tijela se osnivaju radi stručne obrade i praćenja određenih oblasti u okviru nadležnosti Vijeća. Sastav, broj članova, djelokrug, nadležnost i način rada stalnih radnih tijela Vijeća detaljno se utvrđuje Poslovníkom Vijeća. Imenovanje stalnih radnih tijela i broj članova predlaže Komisija za izbor i imenovanja nakon prethodno obavljenih konsultacija sa političkim strankama i koalicijama zastupljenim u Vijeću, a odluku donosi Vijeće. Mandat članova stalnih radnih tijela traje do isteka mandata Vijeća, a mandat članovima može prestati i ranije odlukom Vijeća u skladu sa Poslovníkom Vijeća.

Članom 32. Poslovníka o radu Općinskog vijeća Maglaj-prečišćen tekst (“Službene novine Općine Maglaj”, br.2/19, 1/13 i 2/13) propisano je da za razmatranje i pripremanje prijedloga odluka i drugih akata i za stručnu obradu, praćenje i proučavanje drugih pitanja iz nadležnosti Općinskog vijeća, shodno zakonu i Statutu, formiraju se stalna i povremena radna tijela Općinskog vijeća. Stalna radna tijela formiraju se po odredbama Poslovníka o radu Općinskog vijeća, a mogu biti formirana i posebnom odlukom Općinskog vijeća.

Članom 33. Poslovníka o radu Općinskog vijeća Maglaj-prečišćen tekst (“Službene novine Općine Maglaj”, br.2/19, 1/13 i 2/13) propisano je da radna tijela Općinskog vijeća daju mišljenja, podnose prijedloge i izvještavaju Općinsko vijeće o određenim pitanjima iz svog djelokruga, a koja su im na odlučivanje data Poslovníkom o radu ili posebnom odlukom Općinskog vijeća.

Članom 34. Poslovníka o radu Općinskog vijeća Maglaj-prečišćen tekst (“Službene novine Općine Maglaj”, br.2/19, 1/13 i 2/13) propisano je da radna tijela Općinskog vijeća imaju predsjednika, zamjenika predsjednika i određeni broj članova koji se biraju iz reda vijećnika. Radna tijela mogu imati u svom sastavu i članove koji nisu vijećnici (spoljni članovi), a koji su stručni u oblasti koja je u nadležnosti radnog tijela.

Članom 48. Poslovníka o radu Općinskog vijeća Maglaj-prečišćen tekst (“Službene novine Općine Maglaj”, br.2/19, 1/13 i 2/13) propisano je da Komisija za pitanja mladih i ravnopravnost spolova razmatra sva pitanja iz navedenih oblasti kada se takva pitanja nalaze na dnevnom redu sjednice Općinskog vijeća, a naročito pitanja:

- Prati stanje i pojave u životu i radu mladih i predlaže Općinskom vijeću programe i mjere za djelovanje općinskih organa i službi u ovoj oblasti;
- Radi na suzbijanju maloljetničke delikvencije, narkomanije i drugih toksinomanija, te inicira pokretanje projekata i realizaciju aktivnosti na preventivnom djelovanju među mladima;
- Predlaže programe kreativnog angažovanja mladih u oblasti kulture, edukacije, sportskih, i drugih aktivnosti;
- Ostvaruje saradnju sa domaćim i međunarodnim organizacijama i institucijama koje se bave pitanjima mladih, bez obzira da li ove organizacije djeluju na profesionalnoj ili volonterskoj osnovi;

- Vršiti i druge poslove iz ove oblasti po odlukama i zaključcima Općinskog vijeća;
- Prati položaj spolova u općini Maglaj i implementaciju njihovih zakonom priznatih prava;
- Zalaže i promovira jednaka prava i mogućnosti za muškarce i žene;
- Sa Općinskim vijećem prati donošenje bitnih odluka radi evidencije ostvarenja uticaja žena i muškaraca u razvojnom procesu općine;
- Predlaže Općinskom vijeću i Gender centru Federacije Bosne i Hercegovine aktivnosti koje doprinose podršci strateških potreba promovisanja gender jednakosti;
- Saradnja sa lokalnim nevladinim organizacijama koje se bave jednakopravnosti spolova;
- Saradnja sa Gender centrom Federacije Bosne i Hercegovine;
- Učestvuje u realizaciji projekata Gender centra Federacije Bosne i Hercegovine koji se odnose na područje općine Maglaj;

Komisija za pitanja mladih i ravnopravnost spolova broji 5 članova.

Komisija za izbor i imenovanja je aktom broj: 02-45-1-1975/24 od 19.12.2024. godine zatražila od političkih stranaka koje učestvuju u radu Općinskog vijeća Maglaj da dostave prijedloge za imenovanje komisija kao stalnih radnih tijela Općinskog vijeća.

U ostavljenom roku svoje prijedloge dostavili su OO SDA, OO DF, OO SNAGA NARODA, OO PDA, OO NAPRIJED! BiH i oo BH ZELENi. S obzirom da OO SDP nije dostavila svoje prijedloge, Komisija za izbor i imenovanja je na sjednici održanoj 06.01.2025. godine donijela Zaključak kojim se od OO SDP ponovo traži da u ostavljenom roku, tačnije do 13.01.2025. godine dostave svoje prijedloge za imenovanje komisija Općinskog vijeća Maglaj.

S obzirom da OO SDP ponovo nije dostavila svoje prijedloge, Komisija za izbor i imenovanja je zatražila od političkih stranaka koje učestvuju u radu Općinskog vijeća, a koje su ranije dostavile svoje prijedloge, da prijedloge dopune sa imenima kako bi se Prijedlog Rješenja o imenovanju Komisije za pitanja mladih i ravnopravnost spolova dostavio Općinskom vijeću Maglaj na usvajanje.

Komisija za izbor i imenovanja je na osnovu dostavljenih prijedloga utvrdila Prijedlog Rješenja o imenovanju Komisije za pitanja mladih i ravnopravnost spolova, te isti upućuje Općinskom vijeću na razmatranje i odlučivanje..

Obrađivač: Emina Hasanić 



